

投獄集

全

蘇 蘇 蘇 蘇 蘇 蘇 蘇 蘇 蘇 蘇	蘇 蘇 蘇 蘇 蘇 蘇 蘇 蘇 蘇 蘇	蘇 蘇 蘇 蘇 蘇 蘇 蘇 蘇 蘇 蘇	蘇 蘇 蘇 蘇 蘇 蘇 蘇 蘇 蘇 蘇	蘇 蘇 蘇 蘇 蘇 蘇 蘇 蘇 蘇 蘇
一 九			一	三 甲 四

高杉晋作著

四七十

投獄集全

浪花

龍章堂梓

自叙

余下獄之日。悔既往。思將來默然危坐。省身責心。既而以為我已下獄。死不可測。何用省身責心。唯槁木死灰待灰而已。一日自悟曰。朝聞道夕死可矣。是聖賢之道。何做區區禪僧之為。因借書於獄吏。從

讀從感。或涕淚沾衣。或慷慨扼腕。其感歎無有窮極。乃知向者槁木死灰。決非其道。而朝聞夕死。為無量真樂矣。心已感之。則矢口成聲。是集所以不得已也。甲子四月東行狂生書於野山獄北局第二舍。

投獄集

七絕原四十首

敢辭誅戮與囚禁。只恐雙親懷我深。
韓醢彭苴非君罪。謾人在世古猶今。

甲子三月念九下獄

獨思國事不思身。顛蹶遂為幽室人。
那管塵間非與是。誠心默默對

神

神明。

人生浮沈不肯休。孤雲流水去悠悠。

囚窓日月三年夢。上海津頭雜

客舟。余游支那。距今已三年。昨日

萬事感翁

知已從來懷二君。繫囚不得拜雙

墳。日東正氣冠天地。休說張巡與

霽雲。余知已多于天下。而能知我

上瀾市也。瀾市死節於但馬。虎太

而虎太類張巡。張巡之名頗冠今時

醉倒京城幾酒樓。楚雲湘水夢悠

悠。歸來誤落野山獄。鬼火陰房獨

自愁。

緡書默會復沈思。舊病日知有所

定武集

三

公序

醫藥石如斯未曾得。恨吾下獄十年遲。

時機蹉跎與心違。謝罪斷然故國歸。往事茫茫如一夢。便知二十六年非。

弟奉邦令千里征。愧吾囚獄在荻城。伏思父母寒床上。夜夜魂迷弟

又兄。

嘗無名利動天心。面折廷爭取禍深。防意如城口如甕。片言真是我良箴。

燭滅人眠夜已深。孤囚就枕正沈吟。茫然閉眼又開眼。即悟生前死後心。

徒作繫囚。心更雄。枯榮都不與人同。初知極樂無量界。却在辛途苦海中。

天下滔滔多諂臣。直言誰敢擲吾身。披書看至明朝事。也有幽囚讀易人。

豈傲世忠潔一身。丹心獨愧武公

仁。偷生岸獄。謾披卷。不免流離講學人。

與向權門屈此身。寧因下獄避埃塵。囚窓靜若山中靜。幽室人宜遁世人。

優悠自行發誠真。板屋三間足置身。蠶蠶生膚蟻盈席。堪思土窟上

書人

滔滔走利好名時。捨祿拋官又有誰。
不恨微軀死邦獄。報君心膽上天知。

直以微軀付水滄。又憑仁命脫禁囚。
君恩海岳無酬處。正是重生重死秋。

六月念一因思命脫野山獄

十死一生脫獄歸。石田第屋尚依依。
家翁欣喜出迎我。先拜慈顏淚滿衣。
歸家

五絕

茫然慙既往。靜坐慎將來。時把書卷讀。
素心獨未灰。

目不著天日。心明意自如。仰窓吞

爽氣恰似小池魚。

古體十首

單身曾游支那邦。火艦飛走大東洋。
交語漢鞞與英佛。欲捨我短學彼長。
忽喜邦政復太古。野芹忠言上我主。
為君乃欲作先鋒。金川驛頭脫醜虜。
兩度義舉違我志。爾來

小節何足言。愧我頑愚今可死。偷生岸獄真君恩。

孤身在縲紲。胸間百憂集。只知有今朝。不知有明日。曉鴉叫屋上。旭日透獄窓。拜之空涕淚。聞之又斷腸。斷腸非恨冤。涕淚非惜命。外患迫吾君。如何此邦政。

去年斷髮卧草菴。今歲得罪下野
山野山獄暗。晝如夜。朝暮俯仰咫
尺天。今歲憑身被束縛。始知去年
隱逆樂。草菴近在漢山峰。溪水繞
屋窓。臨江如此好景無由見。思山
思水坐獄中。

士為讒間蒙汙名。譬如浮雲蔽月

明。浮雲去盡天霽後。應有明月照
人情。獨憶東海源烈公。心懷尊王
與攘虜。俗吏不知公深志。當時滿
城稱賊主。烈公死兮未十年。一世
忠誠通九天。公嘗有歌。今猶記。浮
雲明月尚依然。

願作常山顏杲卿。罵安祿山潔一

身願學。趙將軍智略。擒吳元濟。送
京洛。賊魁未如安吳姦。吾才難及
趙與顏。唐朝禍兆。今將起。何日囚
奴。呼快死。

君不見。見死為忠鬼。管相公。靈魂尚
存天祥峰。又不見。懷石投流楚。屈
平。至今人悲汨羅江。自古讒間害

忠節。忠臣思君不懷躬。我亦貶謫
幽囚士。思起二公。淚沾胸。休恨空
為讒。間死。自有後世議論公。

幽室日持暮。歸鴉鳴遠空。數聲雲
間去。吾獨坐獄中。獄中多感迹。聽
之又歎息。見之又無見。茫然心自
謹。

囚室苦無為。披書養良知。虛心而
平氣。書中自有師。讀至南宋滅。獨
悲天祥節。臨死衣帶銘。使人為泣
血。爾來天下士。貪利不成仁。嗟我
雖愚鈍。要學天祥心。

一飯飽。一衣溫。衣之思親惠。食之
仰君恩。誰道鐵心笑。坐獄是豈忠。

臣卒于言。

勿思勿思。更勿思。思兮思兮。使心
悲。意馬心猿何所之。富岳琵琶天
一涯。萬緒千縷亂如糸。嗟吾思應
無盡時。

跋

余下獄八十日。余其間所著文三

篇雜詩六十余首。非以艱難誇于世。唯日記所感。為將來之警。東行謹誌於菊巷父母家。甲子八月三日。

投獄集終

出版書肆

大阪唐物屋四丁目

淺井吉兵衛

三	府	發	賣	書	肆
全	全	全	全	全	全
東京				西京	
稲田佐兵衛	山中市兵衛	村上勘兵衛	青山清吉	岩本忠藏	内田弥兵衛
大阪	全	全	全	全	全
大野木市兵衛	松村九兵衛	前川善兵衛	前川源七郎	柳原喜兵衛	森木太助
					吉岡平助
					書籍會社

